

杭州府志

三九

杭州府志卷八十五

祥異四

國朝

順治二年旱

康熙錢塘縣志

大學士黃機祖母蔡氏百有四歲

浙江通志

城吟自永昌門至清泰門聲如破鑼自南而北凡三日乃已

康熙錢塘

縣志

五月翰林陳之遴門外石獅夜吼

康熙海甯縣志

六月有鳥止于杭之慶春門上三日足如小兒面若老人形其鳴

曰朱朱蓋鵲鳥也

馮景解春集

六月八日大雨風拔木貢院東西牌樓及弼教坊俱毀

康熙仁和縣志

閏六月錢塘江潮連日不至定國大將軍和碩豫親王多鐸進取

浙江駐營江岸敵兵見之以爲潮至必淹沒乃江潮連日不至驚

爲神助相率納款

皇朝文獻通考

八月杭州府梅花大放柳生桃如栗大至壬辰八月桃花大放皆

花妖也是年夏燕啣雛棄之至塘棲皆然

仁和縣志

是年虎入城

康熙錢塘縣志

三年南北山栗樹生桃實如毛桃而小紅潤無核

康熙錢塘縣志

杭州桑樹生蝸牛食葉及豆苗海甯亦然

浙江通志參海甯志

大潮自此年始歷四十餘歲江湖甚大遠方至者夜聞多恐

仁和縣志

五月錢塘江水淺可涉

大軍征浙東都統圖賴等策馬徑渡

皇朝文獻通考

四年四月大無麥米涌貴

海甯志

五年有羊三足又餉部前有猪一首三耳八足兩尾生而猶活雞

生四足

康熙仁和縣志

冬至前三日鳳凰自海鹽至海甯向西北而去萬鳥隨之約二十

餘里

海甯志引棗林雜俎

六年春二月二十日海甯縣下黑雨如墨

浙江通志參海甯縣志

六月地生白毛空室僻地尤多

康熙錢塘縣志

七月蝗

海甯州志

九月十五日北高峯崩

康熙錢塘縣志

七年江水有光夜望熒熒如星散走閃爍不定

康熙錢塘縣志

七月初六日熱甚午後天無雲忽飛雪極細著物卽化

康熙和縣志

八年三月馬蛟魚隨潮而至

乾隆志引舊志

五月水傷禾苗漂沒田廬甚衆斗米五錢

昌化縣志

九年六月杭州見日中有物吐出體勢輕揚向西飛二十三日復

見或曰此天花也

浙江通志

十月十五日大雷電

康熙和縣志

是月虎至慶春門外斃之

康熙和縣志

十年四月大星移星形如車輪芒角四射數十小星隨之由西北

趨東南時天已黎明

康熙塘縣志

是月浙江杭州府巨獸食虎餘杭諸

鄉多虎患一日太璞山有巨獸高八尺長丈餘紫鬣白身黑尾逐

虎食之虎患遂息

皇朝文獻通考 餘杭縣志云順治十年四月

獸馬形高可八尺長丈餘紫鬣披覆如髮白身黑尾人不敢近嗣是虎患頓息歷四月五月不知所之蹤跡向所食虎處唯見虎頭

三四具及殘骨而已

六月大旱

海甯州志

八月初三日有青龍見于西湖天無雲及去始有

雲護之

浙江通志

十一年四月初五日黎明杭州地震

康熙和縣志

是月有虎入城踞雲居山獲之

康熙和縣志

十二年旱大饑

康熙錢塘仁和等縣

按戶部咨覆是年錢塘仁和等縣被災免賦有差

四月朔海甯潮溢沙崩逼城下

海甯縣志

十三年六月螟

乾隆引舊志

七月佑聖觀火藥局災搗藥臼中火燃諸礮盡發斃數十人皮膚

剝燬者無算錢塘學署方聞聲忽二黑骸自空而墮聖宮亦燔

康熙

錢塘縣志

九月二十九日海甯熙春門外獲虎

海甯縣志

十四年秋七月富陽縣地震

富陽縣志

秋七月訛傳有紙人入民家多書籊籊字鎮之

康熙和縣志

十一月二十八日杭州大雷電一冬無雪

浙江通志

十五年二月二十八日午後雨泥木

康熙和縣志

按乾隆志引作正月

十月朔海水溢于河

海甯縣志

十七年六月螟

海甯縣志

冬昌化縣竹生實

昌化縣志

十八年顧端妻錢氏壽百有四歲

乾隆志引舊志

按康熙志云明顧端妻錢武肅王裔孫女壽百四歲有司旌

曰百歲坊不書何年乾隆志引舊志列入順治十八年蓋以

是年旌坊端明末人

馬有成妻丁氏壽百有一歲兩女出嫁者皆壽考一堂五世及見

曾元無疾而終

康熙志

按康熙人瑞志載此不書何年乾隆志引舊志列入順治十

八年

餘杭嚴小郊妻高氏壽百有二歲順治間官旌其門

康熙志參餘杭縣志

按康熙人瑞志載此亦未書年今仍從乾隆志

是年於潛饑巡撫朱昌祚題蠲額課有差

於潛縣志

六月海甯大旱

海甯縣志 舊錢塘志云順治十八年旱吳越數千餘里草木皆枯死

六月初十日日下有黑子

康熙和仁縣志

夏昌化旱民饑賴采竹實及鋤蕨根杵粉以食

昌化縣志

順治間杭城油局橋詹某女七歲病歿歿時以手摸口口邊鬚隨

手而出三髯長數寸

曠園雜志

康熙元年春浙右大饑餘杭尤甚餓殍載道

餘杭縣志

三月二十一日大雨電

海甯縣志

八月初三日颶風三日夜

乾隆志引舊海甯縣志

康熙初東河之新橋柱下忽出兩蛇相鬪移時不解觀者漸衆橋

忽崩壞斃者數十人傷者數十人蛇亦不見

厲鶚東城雜記

三年慶忌塔忽圯中露千百小塔與大塔同皆有梵書見者一時

取盡

陸雲士湖壖雜記 康熙錢塘縣志是年慶忌塔傾

六月三日海決入城濠二十六日飛雪八月三日海潮大溢

海甯縣志

是月錢塘烏山雷擊赤蜈蚣長尺餘有兩翅如蝙蝠

述異記

四年十月東苑民家開牡丹一枝

景星杓山齋客談 景杭人東苑杭地也

按

五年春三月夜星隕富陽姚家坂屋後聲如雷村民曉發地中已

成石大如斗色青黑腰有線欹纏灼爍有金光解送會城撫院按

驗時中丞蔣公令於轅門內試斫之刀刃不能損復令周以炭熾

鎔之火盡益堅遂收貯藩庫

富陽縣志

十二月大火一晝夜延燒七里燔民居一萬四千四百餘家斯如坊有長者霍萬言年八十餘七年之間三失火矣至是嘆憤誓與俱燼其子祿科泣諫不從甘心殉父時風急火熾煙焰驟至其孫文舉不見祖父卽奔入妻止之文舉曰身親之身也豈有祖父在烈焰中而忍置之乎奮身蹈火火已三骸俱存文舉跪祖前猶作

勸行狀觀者莫不錯愕贊嘆

康熙錢塘縣志

按浙江通志載此事列入四年

六年夏杭州蝗不爲災

浙江通志

五月府城弼教坊內駐防營一披甲家產一小牛二頭四角四足

二尾

曠園
雜志

六月二十七日海甯城西馬牧港飛雪

海甯
州志

秋八月旱

康熙
和縣志

十月昌化大風雪傷麥苗

昌化
縣志

七年三月艮山門外有異鳥集村樹上人頭鶯眼鳥身鵝足高三

尺毛花白又集於東園民屋上羣鳥角而噪之

仁和
縣志

六月十七日杭州地震

浙江通志

康熙錢塘縣志云是年六月
地震生白毛仁和志云是月二十四日夜

地震屋棟撼搖礫礫有聲次
日徧地生毛卽空舍亦然

秋大水

康熙仁和縣志
乾隆志
引舊志秋大水海甯潮溢

七月二十日地震

康熙錢
塘縣志

臨安縣地生白毛長尺餘

臨安縣志

是年城中大火

湖壩雜記

八年新城大有年

新城縣志

正月天狗星見兩頭銳空中有聲如雷光如掣電自西而東

康熙錢塘

縣志

六月海甯龍風爲災

海甯州志 乾隆志引舊志六月龍見於洛塘南大風拔木

秋八月旱禾將收初六七日連雨苗葉間出細蟲不知何名嚙禾

莖盡折

康熙仁和縣志

冬昌化大雪平地三尺行人有凍死者

昌化縣志

九年水

康熙錢塘縣志

正月二十八日雪夜流星光燭地聲如雷

乾隆志引舊志

閏二月新城縣署旌蓮亭前桃樹開謝結子後近池樹上獨重發一萼四葉承之大可寸許瓣出若蓮絕不類桃鬚及片數皆以十

越十日不謝

新城縣志

四月大雨連日河水溢禾稼浡死

海甯縣志

六月十三日大雨河水復溢

海甯縣志

十二月二十四日立春大雪盈尺至明年四月六日雪始消盡

乾隆

志引舊志

十年旱

康熙錢塘縣志按富陽志是年旱海甯志大旱赤地臨安志奇旱大饑於潛志大饑自五月至八月不雨高下田

無粒收者

四月大星隕形如車輪芒角四射下帶數十小星由西北趨東南

直過桐江

康熙錢塘縣志

五月二十四日大火

康熙錢塘縣志

新城大旱兼蟲災

新城縣志

秋昌化縣蟲災

昌化縣志

十一年錢塘莫有春百歲

浙江通志

按乾隆志據縣冊列入乾隆四年

四月二十二日錢塘西北鄉孫姓屋上有物頭銳喙長上身赤腰以下青尾如簪發聲如霹靂向西南去尾上火光迸裂如簪之埽

天數十里聞其聲時曰天狗

述異記

旱康熙錢塘縣志

秋杭城火燒五千餘家一日夜不熄陸岳見聞錄

閏七月水淹沒杭嘉湖三府州縣其未淹者天忽雨蟲飛食米穗

有聲如雨田禾俱盡康熙錢塘縣志

按乾隆志引巡撫范承謨疏秋七月蝗不爲災與錢塘志歧

八月海甯霖雨傷稼生螟海甯縣志

餘杭八鄉七八月間霖雨忽生青黑蟲食稼殆盡又有蟲暗食蠶

子一空餘杭縣志

十二年正月六日富陽大雷電乾隆志引舊志

九月十九日大風火起自鹽橋東一晝夜焚房屋七千餘間焚死

男婦二十餘口週十餘里東城爲之一空

康熙錢塘縣志參仁和志

冬十月霖雨至十一月中始獲稻

乾隆志引舊志

十三年錢塘杜榮德妻王氏壽百歲

康熙志

正月海甯霖雨至四月

海甯縣志

夏淫雨自四月雨至六月初始晴

仁和縣志

十四年四月十八日富陽江口陸山夜墜二星如雷入地三尺掘

地得二石各重四斤儼然金也徐涵之云落星爲金甲兵林林適

有甌閩之變

西河詩話

閏五月於潛少溪黃塘地方雨豆竟夜豆比黃豆差小其大者似蓮子入淤泥水中卽化土人取以磨腐及炒食甚香甜又昌化亦